

www.mizbihac.com



Broj 1 / mart 2010.

kamer

Bilten Medžlisa Islamske Zajednice Bihać



Predstavljamo džemat Harmani
Interview Mensur ef. Ćehić
Najmlađi hafiz u BiH iz Bihaća
Hutba u povodu mevluda



mirSad šehić
vjero mira



NOVOSTI
HISTORIJA

HUTBE
KULTURA

RAZGOVORI
EDUKACIJA

AKTIVNOSTI
MLADI

DUHOVNOST
HUMANOST

Koka Sana
DOBRA HRANA

IZDAVAČ

Medžlis IZ Bihać
Bosanskih banova 2
BiH-77000, Bihać
037.228454; 228455
www.mizbihac.com

GLAVNI UREDNIK

Mehmed Mašić

REDAKCIJA

Mensur Čehić
Mehmed Mašić
Abdurahman Osmanović
Adis Baručić
Belma Gračić

GRAFIČKI UREDNIK

Irfan Hošić

BILTEN ŠTAMPA

Grafičar, Bihać

TIRAŽ

1000 komada

**Strana 4**

Razgovor sa Glavnim imamom
Medžlisa Islamske zajednice Bihać
Mensurom ef. Čehićem

**Strana 6**

Novosti

**Strana 12**

Hutba u povodu mevluda

**Strana 14**

Govor stanja

**Strana 16**

Predstavljamo džemat Harmani

**Strana 18**

Predstavljamo džematliju
Merhum Muhammed Čehić Hamić
Novi CD Mirsada Šehića

Medžlis Islamske zajednice Bihać ima zadovoljstvo predstaviti Vam jedan u nizu značajnih projekata koji su usmjereni ka jačanju islamskog identiteta Bošnjaka Bihaća. Na prijedlog vjersko-prosvjetne službe Medžlisa IZ-e Bihać (imama, hatiba i muallima, te uposlenih u Medžlisu) donesena je odluka da se pokrene informativno-edukativni list, bilten Medžlisa IZ-e Bihać.

Kada je u pitanju materijalna priroda Bišćani kroz svoj odnos prema IZ-i, naše čestite džematlije Bihaća, imaju korektan odnos kroz članarinu, sergije, uvakufljenja i razne druge donacije koje oni izvršavaju kao pripadnici IZ-e. Mi pokušavamo da im vratimo to kroz određene aktivnosti, između ostalog i kroz pisane medije. Ovog puta mi nudimo bilten koji će, prema planovima Vjersko-prosvjetne službe izlaziti četiri puta godišnje gdje će biti otvorene sve naše aktivnosti i šta je to što Medžlis IZ-e radi ili što će uraditi planski u vremenskom periodu od tri mjeseca.

Uporedo sa biltenom, ovih dana Medžlis IZ-e pokrenuo je još jedan, u današnjem vremenu vrlo značajan projekat: svoj vlastiti web portal na adresi <mizbihac.com>. Građani Bihaća, uključujući i one koji žive u inostranstvu, jednostavnom posjetom našem web sajtu imaju svakodnevni uvid u rad i aktivnosti Medžlisa.

U prvom (a planiramo i u narednim) broju "Biltena" će, za početak, osim informatora zbivanja i novosti na području Medžlisa IZ-e Bihać, imati još nekoliko rubrika. U svakom broju bit će rezerviran dio za islamske teme, kao preduvjet pravilne izgradnje ličnosti i društva. Za svaki broj biltena nastojat ćemo pripremiti intervju o aktuelnim zbivanjima na našem području. Za prvi broj obavili smo razgovor sa glavnim imamom Medžlisa IZ-e Bihać Mensur ef. Čehićem, koji je na čelu Vjersko-prosvjetne službe i jedan od najzaslužnijih za pokretanje ovog biltena i internet-portala Medžlisa IZ-e Bihać. Planirana je i redovna rubrika Naši džemati, koja nas u ovome broju upoznaje sa džematom Harmani-Ičhisar. U želji da bilten bude prihvaćen i od najmlađih čitaoca pokrećemo i rubriku za mlade koju će uređivati mlada muallima Belma Gračić.

Za naš bilten odabrali smo simbolički naziv «Kamer» - «Mjesec». Mjesec je simbol postojanja koje je podređeno životu i smrti. Njegov su sjaj i bljedilo simbol ciklusa i ritma vremena. Mjesecom se ne mjeri samo prolazak mjeseci, nego i protok godina, jer je islamski kalendar lunarni. U jeziku konvencionalnih simbola, još od srednjeg vijeka, polumjesec i zvijezda postali su univerzalni simboli islama. Riječ «kamer» se spominje u Kur'anu 27 puta. Pedeset četvrta sura - poglavlje Kur'ana nosi ime «Kamer». Neka »Kamerov«- mjesecev sjaj i bljedilo bude simbol ciklusa i ritma vremena i zbivanja u našem gradu Bihaću.

Očekujući da će vam «Bilten Medžlisa IZ-e Bihać» donositi dobre vijesti sa cijelog područja našega Medžlisa, iz svih naših džemata, nadamo se da ćemo biti prihvaćeni i da ćete nas redovno čitati.



Urednik Mehmed ef. Mašić

Razgovor sa Glavnim imamom Medžlisa Islamske zajednice Bihać Mensurom ef. Čehićem

Razgovarao hfz. Abdurahman ef. Osmanović

Evo u prvom broju biltena Medžlisa IZ-e Bihać svrsishodnim smatramo da interview trebamo obaviti sa prvim čovjekom Medžlisa IZ-e Bihać, rukovodiocem vjersko-prosvjetne službe, glavnim imamom Mensur ef. Čehićem. Mensur ef., kao uvodno pitanje pitamo Vas: Šta za Vas i Medžlis IZ-e Bihać znači ovaj bilten?

Prije svega želio bih poselamiti sve one koji će biti u prilici čitati ovaj bilten. Što se tiče Vašeg pitanje na njega bih mogao odgovoriti da je značaj izuzetan, da je ovo svojevrсни iskorak ka jednoj boljoj komunikaciji sa našim članstvom koje treba na adekvatan način da bude informirano o aktivnostima unutar medžlisa. S druge strane svakako treba istaknuti i značaj pisane riječi koja je duboko utkana u biće našeg naroda i ovo je još jedan, nadam se uspješan, pokušaj ponovne afirmacije pisane riječi.

Nakon ovog uvoda naše sljedeće pitanje bi bilo: Kakva je Vaša analiza trenutnog stanja MIZ-e Bihać, vjersko-prosvjetne službe i kakve su vizije i planovi za budućnost?

Nakon jednog perioda u kojem je bila vidna destabilizacija medžlisa, upornim i planskim radom čini mi se da se ta slika promijenila i da postaje onakva kakvu mi želimo da predstavimo u javnosti sa puno lijepih i pozitivnih informacija. Brojni su uspjesi koji govore ovome u prilog, nabrojao bih samo neke; nakon dugo vremena u svojim redovima imamo i hafize, pobjednike na takmičenjima mektebske nastave, organiziramo različite programe i manifestacije, priključujemo se humanitranom djelovanju... Plan je da se nastavi u tom pravcu sa, naravno, unošenjem novih ideja i novih ak-

tivnosti koje su po prirodi dio rada jednog medžlisa.

Neizostavno je pitanje gradske džamije u Bihaću. Upoznati smo da Medžlis IZ-e Bihać posjeduje i dugočekivanu građevinsku dozvolu, te činjenicom da je Reis-ul-ulema Islamske zajednice u BiH, u svom zadnjem boravku u Bihaću povodom promocije diplo-



Glavni imam Mensur ef. Čehić

manata IPF-a u Bihaću, održao i namjenski sastanak sa građevinskim odborom gradske džamije. Možete li nam reći kakvi su sljedeći koraci i kad će se desiti?

Da, nakon dužeg perioda imamo i građevinsku dozvolu za izgradnju ovog objekta. Sastanak o kojem govorite na kojem je bio i reis-ul-ulema Mustafa ef. Cerić,

je protekao u znaku zaključka da se što prije krene u izgradnju, i ono što slijedi jeste raspisivanje natječaja za prikupljanje najpovoljnijih ponuda za odabir izvođača radova i plan je da sa početkom građevinske sezone otpočnu i intenzivniji radovi. S tim u vezi očekujemo da će se veliki broj naših građana uključiti u izgradnju ovog hajrata i ovim putem upućujemo poziv svima onima koji vjeruju u ovaj projekat da se zajednički pridruže u realizaciji istog.

MIZ-e Bihać je nakon više decenija u samo jednoj godini dobio dvojicu hafiza, te je organizirao prelijepe svečanosti povodom hafiskih dova. U martu očekujemo i trećeg hafiza i još jednu hafisku dovu. Nakon negativnih konotacija oko Medžlisa u proteklom periodu koliko su ove aktivnosti doprinjele pozitivnom reklamiranju Medžlisa IZ-e Bihać?



Mišljenja sam da su ovi događaji (hafiske dove) samo uvod u jedan novi i produktivniji način rada na vjersko-prosvjetnom planu. Situacija u medžlisu je u dobroj mjeri konsolidirana i u takvoj atmosferi se može još više učiniti na planu afirmacije islamskih vrijednosti i mi ćemo u tom pravcu djelovati. Raspoloženje je Izvršnog odbora i naravno predsjednika medžlisa da se maksimalno stave na raspolaganje u cilju postizanja što boljih rezultata i u narednom periodu očekujemo još puno lijepih vijesti i dešavanja u ovom segmentu rada našeg medžlisa, poput one da imamo i trinaestogodošnjaka koji je završio hifz pred komisijom Rijasetu. Radi se o Litrić Emrahu iz džemata Harmani.

Kao još jedna pozitivna inicijativa Medžlisa IZ-e Bihać

ističe se institucionalizacija škole hifza pri Medžlisu IZ-e Bihać. Zašto je ona bitna, iz Vaše perspektive, koliko je interesovanje i možete li nam okvirno opisati planirane aktivnosti škole?

Na posljednjoj sjednici izvršnog odbora je donesena odluka o pokretanju Škole hifza i već prvi kontakti sa kandidatima pokazuju veliki interes što samo budi veliku nadu i optimizam da će ovaj projekat i uspjeti. U



današnjem vremenu kada je veoma teško odgojiti svoju djecu pored svih anomalija koje, nažalost, vladaju i pod čijim su uticajem i naša djeca, škola hifza može pomoći svima onima koji imaju djecu i žele ih na pravi način odgojiti. U sklopu učenja Kur'ana Časnog napamet, polaznici će biti u prilici usvajati i druge pozitivne vrijednosti koje proističu iz islamskog nauka i svakako da je naša obaveza da uložimo maksimalan napor radi postizanja što boljeg uspjeha na ovom planu.

Hvala na razgovoru i želimo Vam još mnogo uspjeha u radu.

Hvala i Vama

Najmlađi hafiz u BiH iz Bihaća



Hfz. Emrah sa muhaffizom, bratom i ocem

U Sarajevu dana 01. 03. 2010. godine (ponedjeljak), pred Komisijom za hifz Rijaseta IZ u BiH, zadnje odlomke Kur'ana proučio je novi bihaćki hafiz Emrah (sin Mirsada i Dijane) Litrić iz Bihaća. Na njegovom polaganju zadnja 2 džuzi Kur'ana bila je prisutna njegova porodica, prijatelji, džematlije džemata Harmani, te naravno njegov vrijedni mu'allim i muhaffiz Enver ef. Moranjkć, koji nije mogao skriti suze radosnice, jer njegov učenik iz mekteba zvanično postaje hafiz Kur'ana. Ispred Medžlisa IZ Bihać na polaganju je bio predsjednik Medžlisa IZ Bihać Akaid ef. Boja, kojem je ovo treći hafiz u njegovom kratkom mandatu na čelu Medžlisa, zatim hfz. Abdurrahman ef. Osmanović, drugi imam džemata Harmani i čovjek koji je dao veliki doprinos Emrahovom uspjehu preslušavajući ga i pripremajući pred sami čin Komisije, hfz. Adis ef. Baručić, imam džemata Jezero i Amir ef. Hodžić, imam džemata Spahići. Hafiz Emrah Litrić polagao je pred komisijom u sastavu: hfz. Ismet Spahić, hfz. Fadil Fadlić, hfz. Haso Popara, hfz. Mensur Malkić, koji su bili prisutni zadnji dan, te kurra hfz. Dževad Šošić i hfz. Dževad Hrvačić.



Detalj sa Komisije u Sarajevu

Isti dan, nakon Emrahovog učenje, zadnje odlomke Kur'ana pred Komisijom proučila je i hafiza Ruba Al-Munajed (rod. 1994.g.), kćerka Razia i Mejsune, porijeklom iz Sirije, ali borave i žive u Sarajevu, džemat Dobrinja 3B. Kraj nje je sjela njena starija sestra hafiza Tesnim (rod. 1993.g.), koja je polaganje hifza pred Komisijom okončala prije samo 15 dana. Muhaffiz ove dvije vrijedne hafize bio je hfz. Mensur Đulović, koji je bio prisutan na polaganju.

Nakon proučenih zadnji sureta iz Kur'ana, proučeni su tekbiri, te Fatiha. Zatim se prisutnim obratio predsjednik Komisije hfz. Ismet Spahić, koji je rekao da je ovo poseban dan te da "vrlo rijetko puštam suzu, ali danas danas uživam i sretan sam". Nakon toga svi prisutni su počašćeni slatkim i šerbetom, a zatim se sa selamima i dovama rastali i krenuli put svojih gradova.


U Bihaću je hafiz Emrah dočekan kako to i jedan hafiz zaslužuje, a za to se pobrinuo glavni imam Medžlisa IZ Bihać, Mensur ef. Čehić, kojem je ovo takođe 3. hafiz u vrijeme njegovog mandata u Medžlisu, te prijatelji, komšije i džematlije džemata Harmani.

U Bihaću Škola hifza

U Bihaću je pri Medžlisu IZ Bihać počela djelovati Škola hifza a koordinator škole je hfz. Abdurrahman ef. Osmanović. Za upis u školu hifza potrebno je slijedeće: obaviti interview sa koordinatorom škole, tj. muhaffizom, popuniti pristupnicu školi hifza, doni-

jeti ovjerenu kopiju lične karte, kratka biografija, 2 fotografije za registar škole, rodni list i saglasnost roditelja ako je kandidat maloljetna osoba. Sve informacije se mogu dobiti na telefone 037 228 454 i 228 455. Bujrum, čekamo Vas!?

Novi Album Sinanudina Bajrića



Od srca i iz duše, najtoplije Vam preporučujemo novi CD sa dvanaest novih ilahija i kasida Sinanudina Bajrića pod nazivom „Taifska utjeha“.

Vizionarski projekat u Ostrovici Rekonstrukcija džamije

Krajem prošle godine Medžlis Islamske zajednice Bihać je, uz saradnju JU «Zavod za zaštitu kulturnog naslijeđa» Bihać, pokrenuo aktivnosti na rekonstrukciji starih džamija Vinica i Ostrovica (Kulen Vakuf). Riječ je o veoma značajnom i ambicioznom projektu koji pokreće Medžlis IZ-e Bihać po prvi put u povijesti svog rada i djelovanja. Pored toga, što ovim projektom nastavljamo tradiciju, ali i obavezu čuvanja i obnavljanja vakufske imovine i njegovih objekata, ovdje se radi o rekonstrukciji objekata (npr. džamija u Ostrovici) koji više ne postoje. Rekonstrukcija će se izvršiti prema historijskim podacima i fotografijama. Ono što je posebno značajno, i možemo slobodno reći, prevazilazi okvire ovog medžlisa, jest činjenica da će, uz ove stare bihaćke džamije, ako Bog da, obnoviti i izgraditi ponovno njihove stare, izvorne, drvene munare. Drvene munare na džamijama su bile uobičajene na području ne samo Bihaća. Takve munare su bile karakteristične u cijeloj Bosni i Hercegovini. Nakon drugog svjetskog rata, prilikom izgradnje novih džamija, građene su betonske (trajnije) munare, a stare drvene munare redovito su rušene. Prava je šteta da je u Bihaću srušena sve i jedna takva munara. One su predstavljale dio naše tradicionalne arhitekture i općenito naše kulture. Današnji mlađi naraštaji nemaju predstavu o tom seg-



Džamija u Ostrovici. Idejni projekat



Džamija u Ostrovici

mentu naše autohtone tradicije i kulture.

Do sada je urađen idejni projekat rekonstrukcije cijele džamije na Ostrovici sa drvenom munarom. Zadatak je izgraditi ponovno zidani objekat džamije sa klasičnom munarom na osmougaonoj osnovi i drvenom/daščanom oplatom. Oplata-obloga/fasada se radi od klesanog kamena i drvenih talpi na trijemu. Krovna konstrukcija džamije je predviđena klasična (četverovodni krov) sa krovnim pokrivačem od šimle, sa korištenjem savremenog presjeka krovne plohe. Plafonska drvena konstrukcija ostaje vidljiva, sa ispunom od profiliranih šišeta.

Također je urađen i idejni projekat rekonstrukcije drvene munare i krovne konstrukcije stare džamije na Vinici. Objekt ove džamije je sačuvan, ali je tokom ranijih sanacija izgubio svoj izvorni izgled. Ovaj projekat predviđa sanaciju starih kamenih zidova, prilagođavanje (i spuštanje) krovne konstrukcije prema historijskim podacima i fotografijama. Krovna konstrukcija džamije je predviđena klasična (četverovodni krov) sa krovnim pokrivačem od šimle. Plafonska drvena konstrukcija ostaje vidljiva, sa ispunom od profiliranih šišeta. Munara se radi klasično na osmougaonoj osnovi a oplata-obloga/fasada od drveta.

Pomozimo našoj almi



Mlada Alma Hadžić

Medžlis IZ Bihać, kao i mnogobrojini građani i institucije na području Bihaća i US Kantona, uključio se u akciju prikupljanja sredstava za liječenje naše sugrađanke Alme Hadžić. Putem svojih imama na terenu, a po uputi od strane glavnog imama i vjersko prosvjetne službe Medžlisa IZ Bihać, skupljena su sredstva u iznosu od: 4.700,45 KM, koja su uplaćena u svrhu liječenja naše sugrađanke Alme Hadžić. Medžlis IZ Bihać je ovom, kao i mnogim drugim dobrovoljnim akcijama prije ove, pokazao razumijevanje za ovakve i slične akcije na području Bihaća, ali i šire. Nadamo se da će ova, kao i sve druge vrste pomoći i podrške od drugih subjekata, koliko koliko umanjiti ove teške trenutke, kako za Almu, tako nadamo se i za njenu porodicu.

Mevlud u džematu Brekovica

U povodu rođenja Poslanika Muhammeda a.s., dana 26. 02. 2010. godine / 12. Rebi'ul-ewwela 1431. h.g., u džematu Brekovica proučen je mevludi-šerif.

Prigodan program i mevlud proučili su imami Medžlisa IZ Bihać, a domaćin je bio imam džemata Brekovica Akaid ef. Boja. Program je započeo klanjanjem jacije namaza, koju je imamio hفز. Adis ef. Baručić, a zatim se Akaid ef. obratio prisutnom džematu i uputio im riječi dobrodošlice. Pored imama Medžlisa IZ Bihać, program mevluda lijepim ilahijama osvježili su Sinanudin Bajrić, Mirsad Šehić i Bilal Čejvanović. Poseban gost programa bio je Osman Soyamaz, koji je učio dijelove mevluda na turskom jeziku.

Hafiska dova u džematu Jezero

U džamiji džemata Jezero kod Bihaća, 16. januara 2010. godine, proučena je hafiska dova hafizu Adis ef. Baručiću. Tim svečanim činom mladi imam Adis ef. Baručić je zvanično promovisan u hafiza časnog Kur'ana. Nesvakidašnjem događaju prisustvovali izaslanik Reisul-uleme hفز. Haso Popara, bihaćki muftija Hasan ef. Makić, kolege hafizi i brojni prijatelji.

Uz hفز. Poparu među gostima su bili hفز. Džemail Ibranović, hفز. Kenan Musić, hفز. Suad Šahinović, hفز. Aziz Alili, hفز. Ibrahim Bektaš, hفز. Abdurah-



Džamija u Brekovici

Nakon programa prisutnima se obratio hفز. Adis ef. Baručić, kao izaslanik glavnog imama Medžlisa IZ Bihać, koji je u prigodnom vazduhu džematu govorio o rođenju i djetinjstvu Muhammeda a.s., te mu'džizama Poslanika a.s dok je još bio mali dječak.

Mevludu u džematu Brekovica, kako je to i uvijek bila tradicija, prisustvovao je veliki broj džematlija džemata Brekovica, ali i mnogobrojni gosti iz drugih džemata, te veliki broj imama i hadžija sa područja Medžlisa IZ Bihać i Cazin.

man Osmanović, hfz. Alem Koluh i hfz. Abdullah Karabadžak iz Turske. Skupu se obratio izaslanik Re-isul-uleme hfz. Haso ef. Popara. Predavajući diplomu hfz. Popara je poručio hfz. Adisu da će se najlakše odužiti svom muhaffizu hfz. Abdurahmanu načinom da i sam bude nekom muhaffiz. Poslije uručivanja hafiske diplome glavni imam Mensur ef. Čehić je novom hafizu Adis ef. predao plaketu Bihačkog medžlisa i novčanu hediju. Među gostima su bili premijer Vlade Unsko-sanskog kantona Šemsudin Dedić, dekan IPF-a u Bihaću prof. dr. Muharem Štulanović i drugi. Program je bio obogaćen izvedbama hora imama „Ak-saray“ izvođenjem ilahija.



Hafiz Adis ef. Baručić na promociji

Najbolji imam u 2008./09. vjeronaučnoj godini

Kada neki imam u svom muallimskom poslu ponese titulu najboljeg muallima na svome području onda je to dobar pokazatelj da se radi o vrijednom radniku Islamske zajednice. Imam, hatib i muallim časno je zvanje i poziv. Koliko god časno, još je više odgovorno. Imamsko-hatibsku i muallimsku dužnost prof. Nihad ef. Imširović obavlja već petnaestu godinu u džematu Muslići-Kamenica. Biti muallim u mektebu je na prvom mjestu u poslu jednog imama. Taj posao od imama traži maksimalno zalaganje, mnogo truda, dosta strpljivosti a i ljubavi.

Nihad ef. je tokom petnaestogodišnjeg rada nastojao biti krajnje odgovoran, predan, ozbiljan i kvalitetno raditi. Takva opredijeljenost bila je plodonosna. Takvim pristupom vjerskoj pouci sa učenicima Nihad ef. već nekoliko godina postiže pojedinačne i ekipne rezultate na nivou medžlisa, muftijstva i Rijaseta IZ-e. Uz redovan vid mektepskog obrazovanja on radi i sa odraslim. Nedavno je završio rad sa jednom grupom vjerske pouke za odrasle a već radi sa drugom koja broji deset polaznika različite starosne dobi koji namjeravaju da poslije arapskog pisma ovladaju i učenjem Kur'ana. Za proteklu mektepsku godinu izabran je za najboljeg muallima bihačkog medžlisa u protekloj godini. Ovo priznanje je jedan među pokazateljima da je njegov način rada dobar kao što je i osnova njegovoj daljnjoj dogradnji i većoj efikasnosti.

Dodjela priznanja kao najboljem muallimu bihačkog



Imam Nihad ef. Imširović

medžlisa na dan početka nove, 1431. h. godine, 17. decembra, upravo u džamiji njegovog džemata, uručio mu je bihački muftija Hasan ef. Makić, u prisustvu predsjednika IO Medžlisa Akaid ef. Boje, glavnog imama Mensur ef. Čehića, njegovih kolega i džematlija.

Nihad ef. Imširović zaslužuje priznanje ne samo kao najbolji muallim nego i kao ozbiljan dugogodišnji radnik Islamske zajednice koji je u jednom mandatu obnašao i predsjedničku funkciju u Medžlisu IZ-e Bihać. Dodjela priznanja Nihadu ef. je dodatni stimulans u postizanju novih rezultata na planu vjerskog poučavanja. Ustanovljenje izbora najboljeg muallima je jedan je od pomaka u vrednovanju imamskog rada i dobar poticaj imamima da još bolje rade i da se takmiče na tom polju.


Revizija poslovanja Medžlisa (2004.-2008.)

Pred kraj prošle godine revizorska kuća «Revita» iz Cazina obavila je reviziju poslovanja Medžlisa IZ-e Bihać u periodu od 2004.-2008. godine, sa posebnim osvrtom na gradsku džamiju. Izvještaj revizorske kuće ukazuje na uredno poslovanje Medžlisa u datom periodu. Nisu otkriveni navodi nekih medija o sprezi kriminala sa džamijom. Ova finansijska inspekcija je bila presedan u radu i djelovanju vjerskih zajednica u Bosni i Hercegovini. Ipak, dušebrižnici su se radovali pomenutoj inspekciji (i naručili je), očekujući spektakularne rezultate. Inspekcija je utvrdila da rukovodstvo Medžlisa nije uzimalo novac od gradske džamije, niti ima dugova prema gradskoj džamiji. Naprotiv, Medžlis Iz-e Bihać je svoj novac davao gradskoj džamiji. Samo u jednoj tranši Medžlis je donirao gradskoj džamiji 50000 KM.

Zapošljavanje u Medžlisu IZ Bihać

Na poslove drugog imama, hatiba i mu'allima u džematu Harmani, postavljen je hfz. Abdurrahman ef. Osmanović, koji je takođe postavljen za glavnog koordinatora škole hifza pri Medžlisu IZ Bihać.

Na poslove imama, hatiba i mu'allima u džematu Vikići postavljen je novi, mlad i perspektivan, imam Edin ef. Mušić.



Hfz. Abdurrahman Osmanović

Održana 18. Redovna sjednica Medžlisa IZ Bihać

Na 18. redovnoj sjednici IO Medžlisa IZ Bihać, održanoj dana 17. 02. 2010. godine u prostorijama Medžlisa IZ Bihać doneseni su, pored ostalih i slijedeći zaključci:

1. ZAKLJUČAK 426-02-AB/2010

“Usvaja se finansijski izvještaj Medžlisa za 2009. godinu i plan za 2010. godinu.”

2. ZAKLJUČAK 425-02-AB/2010

“Odobrava se kupovina računara i skenera za potrebe kancelarije sekretara Medžlisa IZ Bihać.”

3. ZAKLJUČAK 429-02-AB/2010

na osnovu zahtjeva UDRUŽENJA ŽIVOT iz Bihaća, za sponzorstvo sedmičnih edukativno-odgojnih tribina “Snagom vjere do savršenstva duše”, “IO Medžlisa IZ Bihać odobrava isplatu u iznosu od 200,00 KM kao učešće Medžlisa u navedenim aktivnostima.”

4. ZAKLJUČAK 432-02-AB/2010

“Otvora se “škola hifza” pri Medžlisu IZ Bihać, te se za koordinatora škole imenuje hfz. Abdurrahman ef. Osmanović.”

“Odobrava se pokretanje web portala Medžlisa IZ-e Bihać, te pokretanja besplatnog biltena Medžlisa IZ-e Bihać, za čiju se redakciju imenuju slijedeće osobe: prof. Mehmed ef. Mašić, hfz. Abdurrahman ef. Osmanović, hfz. Adis ef. Baručić i glavni imam Mensur ef. Čehić.”

5. ZAKLJUČAK 434-02-AB/2010

“IO Medžlisa IZ Bihać podržava projekat izgradnje zgrade Rijaseta IZ-e u BiH, te će Medžlis, iz svojih sredstava, na račun Rijaseta uplatiti iznos od 2.000,00 KM, kao vid podrške Medžlisa IZ Bihać u pomenutom projektu.”



Održana Skupština Medžlisa IZ Bihać

Dana 06. 03. 2010. godine / 20. rebiu-l-evvela 1431. h.g. u džamiji džemata Harmani, sa početkom u 10.00 sati, održana je Skupština Medžlisa IZ Bihać. Na početku ašere je proučio hfz. Adis ef. Baručić, a zatim su delegati skupštine proučili tekbir i salavat, te na taj način započeli sjednicu, koja je, pored svih pitanja, diskusija, zaključaka, pa i ponekih kritika, održana u veoma pozitivnoj atmosferi, sa dosta konstruktivnih diskusija i prijedloga.

- usvojen je izvještaj o radu MIZ Bihać za 2009. godinu
- usvojen je finansijski izvještaj za 2009. godinu
- primljen je k znanju Izvještaj o reviziji ukupno primljenih donacija i rashoda za izgradnju gradske džamije u Bihaću za period 2000. – 2009. godina, u kojem je konstatirano da nije bilo nikakvih zloupotreba sredstava namijenjenih za izgradnju ovog objekta
- da se pokrene disciplinska odgovornost protiv svih onih koji su nanijeli nesagledivu štetu MIZ Bihać iznošenjem dezinformacija u javnost
- da se izvrši medijska prezentacija Izvještaja o reviziji i



Predsjedavajući Skupštine Medžlisa IZ-a

Sjednici su prisustvovala 93 delegata iz džemata sa područja Medžlisa IZ Bihać. Nakon usvajanja dnevnog reda i provedenih diskusija po svim tačkama dnevnog reda doneseni su i usvojeni, između ostalih, sljedeći zaključci:

- Za zapisničara je izabran sekretar Medžlisa IZ Bihać gosp. Nermin Lisica, a za ovjerivače zapisnika izabrani su: gosp. Merdanić Mirsad i gosp. Ramo Sulić

upoznavanje šire javnosti sa revizorskim nalazom

- da se pozove Rijaset IZ u BiH da preispita kriterije u pogledu kandidiranja u neke od organa unutar Islamske zajednice, jer je evidentno da zahvaljujući Izbornoj odluci koja je na snazi u ove organe može da uđe bilo ko bez ikakvih kriterija .

Skupština Medžlisa IZ Bihać zaključena je u 13,45 sati, a završena je tekbirima i salavatom.

Svjetlo vjere U povodu mevluda

Mehmed Mašić

Mevlud ili rođenje Božijeg Poslanika Muhammeda a.s., označilo je prekretnicu u povijesti arabijskog poluotoka i samih Arapa. U godini Alejhisselamovog rođenja, po prvi put kod Arapa koji su označavani kao pagani, dolazi do potpune promjene odnosa prema svijetu. U «godini slonova», 571. godine, Abesinci (kršćani) su u gradu San'i, u Arabiji, napravili veliku crkvu koja je trebala zamijeniti Kabu - mekansku kuću ili «Okupljalište Arapa». I kada je guverner Ebrehe na slonovima pošao na osvojenje Mekke i došao pred sama vrata Mekke da bi zauzeo i razrušio Ka'bu i arapskom stanovništvu nametnuo kršćansku vjeru, izbor pada (što je veoma zanimljivo!) na Muhammedovog a.s. djeda Abdul-Mutaliba da s njim pregovara. Svako ima svoju ulogu i zadaću na ovom svijetu! Ostale su zapisane čuvene Abdul-Mutalibove riječi upućene Ebrehi: «Ja sam gospodar deva, a gospodar Ka'be je Allah i On će odbraniti Svoju kuću». Allah je sačuvao Ka'bu, i ta kršćanska vojska, (o tome se govori u nama poznatoj suri «Fil») došavši do Meke, izgledala je kao «fedže'alehum ke'asfin me'kul» - «kao lišće koje su crvi pojeli-istočili».

Ovaj događaj se zbio u godini Alejhisselamovog rođenja, i on još jednom potvrđuje da je Mevlud označio prekretnicu u povijesti arabijskog poluotoka i samih Arapa. Naravno, rođenjem te godine posljednjeg Allahovog Poslanika dogodio se događaj koji je izmijenio cijelu ljudsku povijest i njen tok usmjerio pravim putem. Hazreti Omer je rekao: «Zaista, bili smo (kao Arapi) najmizerniji narod, pa nas je Allah dželle šanuhu uzdigao i ojačao, učinio snažnim, putem Islama! Zato, kad god budemo tražili veličinu, izvan islama, Allah će nas poniziti (Ko god bude tražio tu snagu, ugled i čast u nečem drugom, mimo Islama, Allah će ga poniziti!)»

O Muhammedovom a.s., rađanju od njegove majke Amine se prenose riječi: «Kad sam ga rađala porodila sam s njim odgromno svjetlo od kojeg su zablistali dvorci Šama». Ili kad sam Poslanik kaže: «Moja majka

vidjela je nur – svjetlost koja je obasjala dvore Šama (Sirije)». Nakon izvjesnog vremena, zaista, je svjetlost islama obasjala Siriju. Islam je vrlo brzo došao u Siriju. Islam se širio munjevitom brzinom. Za 50 godina islam se proširio do obala Atlantskog okeana na Zapadu i do Indije i Kine na Istoku. Vjera a ne vojska, moral a ne sila, riječ i djelo a ne isprazna apologetika, mjenja ljude, mijenja društva i poretke i ispušuje nove stranice historije, historije kojoj će vjerovanje i znanje, knjiga i nauka biti vodilja i uvjerenje. Cijele porodice su u istom danu prihvatale ovu vjeru. Cijela plemena su je prihvatili. Na koncu i narodi. Za samo pola vijeka svjetlost islama se proširila na polovicu do tada poznatog svijeta. Zanimljiv je podatak da je ta svjetlost nakon tačno hiljadu godina došla u Bosansku Krajinu. U Bosansku Krupu islam sa Turcima je došao 1565. godine, u Bužim i Cazin 1576. godine, a u Bihać 1592. godine, upravo oko hiljadu godina nakon Alejhisselamovog rođenja.

Vidite, i dolazak islama u Bosnu, to «rađanje» («mevlud») islama u našoj Krajini, označilo je prekretnicu u povijesti Bošnjaka i samih Krajišnika. Kao stari Bošnjani dugo su se opirali kršćanskim pritiscima i sa Istoka i sa Zapada (poput drevnih Arapa), ali kad je došao islam nisu imali rezervi. Skoro cijeli narod – bogumili – su primili islam ovdje. Sjetimo se samo slučaja zabilježenog 1463. godine kada 36.000 bogumilskih porodica hrli pod Jajce da sultanu Mehmedu Fatihu izraze lojalnost i prihvate islam. Bosna se od tada potpuno i zauvijek izmijenila. Bosnu bez Bošnjaka ne možemo zamisliti! Od tada, Bosnu bez islama ne možemo zamisliti! Vjera mijenja ljude, Islam mijenja narode.

Kome je Uzvišeni poslao Muhammeda a.s., i vjeru Islam? - Čovječanstvu. Sve što je u njemu sadržano dobro je za čovjeka, no kao da se današnji musliman izvinjava okruženju što to jeste, kao da se današnji Bošnjak stidi svoje pripadnosti toj univerzalnosti i onome što Uzvišeni u Kur'anu naziva - „Jedina prava

vjera je Islam“. Potrebno je samo da dopustimo da to svjetlo obasja naša srca, da to svjetlo obasja naše kuće, da se to svjetlo raširi stazama kojim hodimo. Islam je milost za ljude, za čovječanstvo. Zato je i mevlud - rođenje Pejgambera - milost za cijeli svijet. Mi u mevludu upravo to učimo, naša djeca uče ovako:


«Kad približi vakat da se on rodi Svako dobro na 'vi svijet dohodi». Svako dobro je došlo njegovim rođenjem.

U Kur'anu se nekoliko puta kaže da je islam Allahovo svjetlo. O islamu kao takvom se govori u poglavljima 24:35, 9:32 i 61:8. U suri Nur: 35, «Blagoslovljeno drvo što gori svjetlom islama nije ni istočno ni zapadno», jer islam obasjava i istok i zapad. Ovaj ajet, dakle, navještava da će islamsko svjetlo obuhvatiti i istok i zapad. «Allah je izvor svjetlosti nebesa i Zemlje (24:35) – skoro da ovaj čudni tekst nije ni izložen u punom sjaju kad nur koji svijetli i upućuje, izlio se i preplavio čitav Kosmos, izlio se u svaki ugao planete zemlje. Zastor je skinut, srca su postala osjećajna i prijemčiva, a duše zatreptale, sve u Kosmosu veliča Allaha, sve se čisti u moru svjetla. «Allah je izvor svjetlosti nebesa i Zemlje (24:35) – na temelju ove kur'anske istine veliki Gazali razumio je da je stvarna svjetlost samo Allahova svjetlost, a sve drugo što ljudi zovu tim imenom samo je metafora. Ono što ljudsko oko vidi kao svjetlost samo je odraz Allahove svjetlosti. I zato ništa nije kao Allahovo svjetlo, kao izvor svake svjetlosti, svakog nura na nebesima i na Zemlji. Ali, ima nešto u čovjeku od Allahove svjetlosti, kao Allahov dar, kao oko koje vidi ono što ljudsko golo oko ne vidi. To je ljudski um, to je ljudski duh, to je ljudska duša. Zato je, kaže Gazali, primjerenije da se za ljudski um kaže da je svjetlost (nur) nego za ljudsko oko. Sreća i spas je u duši. Kur'an tretira ljudsko biće tako da ga nur Allahov obasjava da bi gledao ka svijetlim horizontima promatrajući veliko svjetlo u horizontu neba i Zemlje, spreman da dočeka puni odblijesak koji je preplavio cio svijet rasvjetljenjem, tako da je svugdje samo nur. To je «sama svjetlost nad svjetlošću» (24:35) – Bit Allahovog svjetla mi ne znamo kao ni njegovu dalekosežnost. Ono što mi činimo je samo pokušaj da se srca spoje s njim, težnja da Ga vide. «Allah vodi ka svjetlosti Svojoj, onoga koga On hoće (24:35) – vodi ovom svjetlu one čija

su srca otvorena pa ga ona vide. Svjetlo je rašireno na nebesima i Zemlji, izliveno i po nebesima i po Zemlji, stalno na nebesima i Zemlji, neprekidno sija, ne prestaje njegov sjaj, ne iščezava, ne krije se, i tamo gdje god se srce okrene, vidjet će Ga, i tamo gdje god gleda onaj koji se vraća svom izvoru, uputit će ga, i gdje god se poveže s tim svjetlom, naći će i Allaha.

Muslimani cijelog svijeta ne slave već obilježavaju mevlud, a to znači da iz tog događaja crpe pouke i njima se nadahnjuju. A kakve su pouke iz riječi majke Amine: «Kad sam ga rađala porodih ogromnu svjetlost od koje zablistale dvorci Šama». Da li današnji čovjek vidi to svjetlo? Svjetlo koje treba vidjeti zove se - Kur'an, a osvijetljeni put kojim treba ići - ime mu je Islam. Svjetlo u životu je vjera, svjetlo je nauka, nur je skladna porodica, naše dijete u mektebu je svjetlo, svjetlo je uređena avlija i čista ulica, svjetlo je rad, poredak i odgovornost u društvu... Vidi li današnji čovjek to svjetlo koje je tako snažno zablistalo u mjesecu rebiul-ewelu. Taj mjesec zove se mjesec rađanja. Imamo priliku roditi u sebi želju da okrenemo leđa lažnom svjetlu strasti i krenemo stazom istinskog svjetla vjere. Svjetlost u našoj duši dolazi od islama, od ovog mevluda, od namaza. Allahovo svjetlo sija u određenim kućama, «Svjetlost sija domovima u kojima se spominje Njegovo ime i hvala Njega ujutro i naveče» (Kur'an, Nur:36). Allah dž.š. kaže: «Kur'an vodi onome što je najbolje, najveće, najčvršće» (Kur'an, 179). Islam vodi onome što je najbolje u životu, onom što je najljepše. Zato, Kur'an i islam mora da bude u srcu čovjeka i u njegovoj kući. Božiji Poslanik kaže: «Kuću osvijetlite učenjem Kur'ana i klanjanjem namaza». To je onaj nur - ona svjetlost - koja je došla sa našim Poslanikom i što učimo u mevludu. Jer, ako u kući nema Kur'ana i nema namaza, ostaje šejtan, ostaje mrak.

Rađanje Muhammeda a.s., nije samo rađanje čovjeka, već i jedne ideje koja je zavladała kosmosom, i koja je nur-svjetlost ili odsjaj nebesa prema Zemlji i Zemlje prema nebesima. I kao što svjetlost dana dolazi od sunca tako svjetlost u našoj duši dolazi od Kur'ana u kojem je Božija istina koju nam je vjerno prenio najbolji od dobrih ljudi i najuzvišeniji od uzvišenih Allahovih poslanika, Muhammed, alejhisselam.



Hadis

Allahov Poslanik, a.s., je rekao: „Zaista u Džennetu postoje (prelijepi) sobe koje kad se gledaju sa vana vidi se i njihova unutrašnjost, a kad se gleda iz unutrašnjosti vidi se njihova vanjšina.“

Jedan ashab upita: „Za koga su te sobe, o Allahov Poslaniče?“ Muhammed, s.a.v.s., odgovori: „Za one koji samo lijepo govore, koji gladne hrane i koji pokorni na namazu stoje dok drugi ljudi spavaju.“

(el-Bejhki, Šuabu'l-Iman 3090)

Pogubite me prvog

Ebu Abbas ibn Ata', rahmetullahi alejhi, je rekao: „Doveo je halifin dužnosnik grupu sufija pred halifu i rekao: „Zaista su ovo otpadnici od vjere (zindici), jer odbijaju Šerijat“. Bili su to Ebu-l Husejn Es-Sevri i nekolicina drugih zahida. Bi naređeno da im se glave odsjeku. Kada je trebalo da dođe do izvršenja kazne, Ebu-l Husejn istrča ispred grupe, nudeći svoju glavu da bude prva pogubljena. Kada su dželati (egzekutori) vidjeli ovu gestu Ebu-l Husejna, sa čuđenjem su ga upitali: „Zar žuriš u smrt prije svojih prijatelja?“ On odgovori: „Želim da mene prvog pogubite, pa da time svoje prijatelje ostavim da žive još malo.“ Dželati i svi pristuni su se jako začudili, te obavjestiše halifu o tome. Halifa naredi da se svi pošalju vrhovnom kadiji Ismail ibn Ishaku da ih ispita. Ebu-l Husejn je došao pred vrhovnog kadiju, a ovaj ga počeo ispitivati o šerijatskim propisima, o taharetu (čistoći), namazu i ostalom, a Ebu-l Husejn Es-Sevri mu je na sve i jedno pitanje detaljno odgovorio, a zatim je rekao: „Znaj da Allah, dž.š., ima Svoje bliske robove koji sa Allahom jedu, sa Allahom svoju odjeću nose (jelbesune bilahi), sa Allahom slušaju, sa Allahom ubiru plodove, sa Allahom žele.“ Kada je kadija čuo ovaj govor jako je zaplakao, a zatim je ušao kod halife i rekao mu: „Ako su ovi ljudi otpadnici(zindici), onda na Zemlji nema monoteista(muvehhiduna).“

(el-Bejhki, Šuabu'l-Iman 3487)

Došao sam Poslaniče

Ebu Harb el-Hilali pripovjeda: „Jedan beduin je obavljao Hadž, pa kad dođe do Poslanikove džamije u Medini, siđe sa svoje jahalilce, te je sveza, a zatim uđe u

džamiju. Kada dođe do kabura Poslanika, a.s., stade licem okrenut Poslaniku, a.s. Nakon toga reče: „Es-selamu alejke ja Resulallah“, a zatim poselami i Ebu Bekra, r.a., i Omera, r.a. Onda se opet okrenu Allahovom Poslaniku, a.s., i reče: „O Poslaniče, draži si mi i od oca i od majke! Došao sam ti natovaren grijesima i pogreškama tražeći od tebe da se zauzmeš kod svoga Gospodara, jer On je rekao: „ A kad bi oni, kada nepravdu počine, došli tebi (Muhammede), i Allaha za oprost zamolili, i Poslanik oprost za njih molio, zasigurno bi uvidjeli da Allah pokajanje će primiti i da je Samilostan.“-i došao sam tebi, a draži si mi i od oca i od majke. Grijesima sam natovaren. Tražim od tebe da se zauzmeš kod svog Gospodara da mi grijeha oprost i da mi budeš zagovornik.“

potom se okrenu skupini ljudi i u stihovima izreče: „ O ti, koji si od svih ukopanih najvrijedniji! Najčasniji od svih. Od čije ljepote niču plodovi i sjemenke. Moja duša nek je otkup za kabur u kojem si ti. U tvom kaburu je smiraj, svaka vrednota i počast.“

(el-Bejhki, Šuabu'l-Iman 4178)

Čistite svoj imetak

Ibn Džundub od svog oca prenosi hadis: „Čistite svoj imetak zekatom, liječite svoje bolesne dijeleći sadaku, a belaje od sebe odbijajte dovom.“

(el-Bejhki, Šuabu'l-Iman 3558)

Na vratima Dženneta piše

Od Ebu Umame,r.a., se prenosi da je Allahov Poslanik, s.a.v.s., rekao: „Biće doveden čovjek pred džennetska vrata, pa kad podigne glavu vidjeće na njima napisano: „Sadaka se nagrađuje deseterostruko, a jedno davanje u zajam (posudba) se nagrađuje osamnaest puta.“ To je zato što onaj koji od tebe treba zajam neće ti doći osim sa potrebom, a sadaka nekad ode i onom ko je imućan.“

(el-Bejhki, Šuabu'l-Iman 3565)

Pitao sam Džibrila

Od Enesa,r.a., se prenosi da je Allahov Poslanik, s.a.v.s., rekao: „U noći Isra'a vidio sam na džennetskim vra-



tima napisano: „Sadaka se nagrađuje deseterostruko, a davanje u zajam osamnaest puta.“ Pitao sam Džibrila kako to da je davanje u zajam vrijednije od sadake, pa mi je odgovorio: „Zato što onaj koji prosi, već ima nešto, dok onaj koji traži u zajam ne traži osim zbog potrebe koja ga je snašla.“

(el-Bejheki, Šuabu'l-Iman 3566)

Poslao mi Allahov Poslanik, a.s.

Od Omera,r.a., se prenosi da je rekao: „Poslao mi je Allahov Poslanik, a.s., nešto imetka, pa sam to odbio. Kada sam mu došao upitao me: „Šta te navelo da vratiš ono što sam ti poslao?“ Odgovorio sam mu: „Allahov Poslaniče zar mi nisi rekao da je vrijednost i dobro u tome da od ljudi ništa ne uzimam?“ Na to mi reče Allahov Poslanik, a.s.: „To se odnosi na traženje od ljudi, a ono što ti dođe od dobra bez tvoga traženja to je zaista Allahova opskrba kojom te Uzvišeni opskrbi.“

(el-Bejheki, Šuabu'l-Iman 3546)

Šesterica prokletih

Abdullah ibn Ez-Zubejr,r.a., prenosi da je Allahov Poslanik, s.a.v.s., rekao: „Šestericu sam prokleo, a prokleo ih je i Allah dž.š. i svaki vjerosvjensnik: onoga koji ne vjeruje i poriče Allahovu odredbu, onog koji dodaje Allahovoj Knjizi, nepravednog i silnog vladara koji, ponižava one koje je Allah uzdigao, a uzvisuje one koje je Allah ponizio, onog koji dozvoljava Allahove zabrane, onoga koji je mustehill min i'treti,, i onog koji ostavlja moj sunnet.“

(el-Bejheki, Šuabu'l-Iman 4010)

Više vole njima nego sebi

Rekao je Abdullah, sin Omerov,r.a.: „Jednom ashabu Božijeg Poslanika, a.s., je poklonjena ovčija glava (da nahrani sebe i svoju porodicu), a on reče: „Taj i taj čovjek i njegova porodica su preči da dobiju ovo.“ Zatim posla tom čovjeku ovčiju glavu, tako uradi i drugi sve dok ovčija glava ne obiđe sedam kuća, a zatim opet dođe do onoga prvog.“

(el-Bejheki, Šuabu'l-Iman 3479)

Allah se nasmijao

od Ebu Hurejre, r.a., se prenosi da je došao neki čovjek Allahovom Poslaniku,a.s., i rekao mu: „Božiji Poslaniče, pogodila me velika glad.“ Allahov Poslanik, a.s., nakon što kod svojih žena nije našao ništa da mu dadne, rekao: „Ima li iko, da mu se Allah smiluje, ko bi ugostio ovog čovjeka večeras?“ Ustade jedan Ensarija i reče: „Ja ću, Allahov Poslaniče!“ Zatim ode svojoj kući i reče ženi: „Ovo je gost Allahovog Poslanika, a.s., pa gledaj da mu ništa ne fali.“ Žena mu odgovori: „Tako mi Allaha, ništa nemamo osim par zalogaja hrane za djecu.“ On joj reče: „Kad djeca htjednu da večeraju, ti ih uspavaj, a zatim dođi i ugasi svjetlo. Hranu ćemo dati musafiru, a mi ćemo se pretvarati da jedemo.“

Ona tako i uradi. Sutradan, kada čovjek dođe Allahovom Poslaniku, a.s., Muhammed, a.s., reče: „Allah se začudio i nasmijao onom čovjeku i njegovoj ženi i objavio je: „I više vole drugima nego sebi, iako im je i samima potrebno.“

(el-Bejheki, Šuabu'l-Iman 3478)

Preveo sa arapskog
hfz. Abdurahman ef. Osmanović


Gradski džemat Harmani

Hfz. Adis ef. Baručić

Džemat Harmani je jedan od nekoliko gradskih džemata u gradu Bihaću. Džamija džemata Harmani je na sadašnju lokaciju prenesena sa mjesta na kojem je sagrađena bihačka medresa, koja je u II sv. ratu znatno oštećena, a neposredno iza rata potpuno srušena i na kojem je sagrađena zgrada u kojoj se trenutno nalazi tužilaštvo USK.

Džamija ovog džemata još se i naziva IĆ HISAR što bi u prijeovdu značilo „u zidinama“, jer je bila sastavni dio bihačkih zidina prije nego je premještena na sadašnju lokaciju.

Natpis na džamiji – ploči iznad ulaza je na arapskom jeziku, a pismo je obični nesh, a u prijevodu bi značilo: „Zaista su na mojoj zemlji džamije moji domovi, kuće, a posjetioci su njihovi održavatelji.“ Godina: 1212. (1797.)



Ploča iznad ulaza u džamiju Ićhisar

1967. godine džamija je renovirana i umjesto drvenog izgrađen je betonski minaret. 2002. god. džamija je potpuno renovirana.

U blizini džamije nalazi se mezarje. Najstariji nišan sa očuvanim natpisom na arapskom jeziku je nišan Salih-Čehaje Šabanovića. 1178. h.g. (1764.)

Džemat Harmani pokriva veliki dio grada Bihaća, a redovnih džematlija ima 700, dok je onih neredovnih oko 300, što ovaj džemat čini jednim od najvećih džemata na području Medžlisa IZ Bihać, kako prostorno, tako i po broju članova. Džematski odbor džemata Harmani,

koji se brine o funkcionalnosti njihovog džemata, čine: Enver ef. Moranjkčić (član po položaju), hadži Senijad Mešić (predsjednik dž. odbora-mutavelija), te članovi hadži Hasan Dizdarić, mr. Ismet Botonjić, mr. Damir Đug, prof. Šemsudin Dedić i Vahid Dervišić.

Imami koji su službovali u ovom džematu, nakon II svjetskog rata, su: Muhamed ef. Halilagić, Zarif ef. Ljubijankić, Muharem ef. Memagić, te naravno sadašnji imam Enver ef. Moranjkčić, koji je imam ova- ga džemata od 01. 07. 1981. godine.

Ono što posebno ističe ovaj džemat, pored svih drugih aktivnosti i prepune džamije na svakom vaktu, jeste i mekteb ovog džemata, koju čine djeca i omladina ovog džemata podijeljeni u 3 grupe, sa ukupno 100 polaznika i to: grupa „Ilmihal“ 43, grupa „Sufara“ 16, te grupa „Kur’an“ 41, koja je i najbrojnija od svih do sada.

Naravno, ove godine posebnost ovog džemata je i to što je dobio hafiza Kur’ana iz svog mekteba, koji je 01. 03. 2010. godine proučio zadnje odlomke Kur’ana pred komisijom za hifz Rijasetu IZ u BiH. Radi se o učeniku VII razreda OŠ Harmani II Litrić Emrahu, sinu Mirsada i Dijane Litrić.

Obradovani ovom vijesću upitali smo Enver ef. Moranjkčića, imama džemata Harmani i muhaffiza mladog Emraha:

Kakav je osjećaj muhaffiza nakon što je Emrah sa uspjehom položio ispit hafiza i postao hafiz Kur`ana?

Enver ef.: *Ja nisam Emrahu bio samo muhaffiz. Ja sam mu bio prvo mu'allim. Mi se kroz mekteb i džamiju družimo 6 godina. Počeli smo od Rabbi Jessir i krunisali sa Emrahovim naučenim Kur`anom napamet. Osjećaji se riječima ne iskazuju. Nema za njih riječi. To je posebno stanje srca i duše koje samo radosna suza pokaže.*

صاحب المقام
 صالح كتحذ اشعبان
 اوغلى غفر الله ذنوبها
 ولمن كتب فيه الحفير
 رحمت الله عليه مرحوم
 روحه رضاء للافاتحه
 سنه ١١٧٨

Natpis sa nišana Salih-Čehaje Šabanovića

Kako ste radili sa Emrahom?

Enver ef.: *Plan je bio učiti hifz u 20 krugova, po jednu stranicu dnevno. Tako smo i krenuli (preslušavao sam ga u svako vrijeme u toku 24 sata). Tempirali smo tako da kad završi osmi razred i hifz bude završen. Ali Allah dž.š. je htio da to bude ranije, mnogo ranije. O tome ćemo ako Bog da imati prilike razgovarati.*

Kakav je plan aktivnosti za 2010. godinu?

Enver ef.: *Plan je naravno, na dostojan i svečan način organizovati hafisku dovu hafizu Emrahu, te ako Bog da, izvesti ove godine na svečanost hatmi novu grupu, koja će vjerujem biti najbrojnija nego ikad do sada.*



Imam Enver ef. Moranjkić sa djecom i roditeljima

Na kraju, donosimo kratku biografiju vrijednog Enver ef. Moranjkića, koja se naravno ne može staviti u ovih nekoliko redova, ali se nadamo da će biti pouka svim imamima i službenicima IZ, jer nam svima može biti



Pogled na ulaz u džamiju Ić Hisar

uzor u radu i službovanju u IZ.

Enver ef. Moranjkić, rođen 19. 10. 1953. godine u Srebreniku, a Osnovnu školu završava u Žepču. Nakon toga upisuje i uspješno završava Gazi Husrev begovu medresu u Sarajevu 1973. godine. Imam u džematu Harmani je od 01. 07. 1981 godine, gdje je kako i vidimo postigao sve ono što svaki aktivni i svjesni imam

na svom položaju u jednom džematu želi postići. U periodu 1979.-1983. godina obnašao je funkciju predsjednika Ilmije Medžlisa IZ Bihać, a u periodu 1984.-1990. godina i funkciju predsjednika Medžlisa IZ Bihać.

Merhum Muhammed Ćehić Hamić Višedecenijski hizmećar džemata Čavkići

Mehmed ef. Mašić

Grad i njegove džemate čine, pored ostalog, i veliki i zaslužni ljudi, te ono što oni iza sebe ostave. Bihać, i njegov prigradski džemat Čavkići, u svojoj bližoj historiji, nije imao mnogo takvih sinova. Jedan od takvih, koji je uvijek bio u džamiji i uz džamiju, koji je strpljivo i uporno, iako u posljednjim godinama pod teškim uslovima, radio na održanju i boljem funkcioniranju džemata i Islamske zajednice u Bihaću, bio je rahmetli Muhamed Ćehić, poznat kao Hamić. Neizbrisiv je trag koji je on ostavio u svom džematu kao i na život Islamske zajednice u Bihaću.

U ponedjeljak 18. 01. 2010. godine u 57. godini iznenada je preselio na Ahiret Ćehić Muhamed, dugogodišnji mutevelija i blagajnik bihaćkog džemata Čavkići te član Izvršnog odbora Medžlisa Islamske zajednice Bihać. Aktivnu ulogu u džematskim akcijama otpočeo je u godinama prije agresije na našu zemlju. Cijeli rat, još od formiranja patriotske lige 1991. godine, proveo je u redovima Armije BiH. Bio je zarobljen od strane izdajničke vojske Zapadna Bosna i u logoru autonomaša proveo 72 dana. Bio je prvi komšija džamije Čavkići, ali Muhamed – Hamić je doslovce život proveo uz džamiju i u džamiji. Gotovo dvije i pol decenije neumorni je aktivista džemata. Ne postoji akcija u ovom džematu u kojoj rahmetli Hamić nije učestvovao: obnova stare seoske džamije, izgradnja šehidskog turbeta, proširivanje džematskog mezarja, ograđivanje mezarja, opremanje mektebskih prostora itd. Posebno je upamćen po angažmanu u izgradnji nove džamije, čija gradnja je počela 1988. godine. U svakoj dobrovoljnoj akciji, svaki radni dan je bio tu prisutan, uzimajući aktivno učešće u fizičkom radu i u organizaciji potrebnih akcija. Svo vrijeme gradnje, rahmetli Muhamed – Hamić je bio prvi, ili među prvima koji su gradili džamiju, zajedno sa rahmetli Muhamedom, njegovim ocem, zatim sa svojom braćom: rahmetli Muharemom – šehidom, Uziorom, Asimom, Safetom i Ramizom. Kad se u džematu tražila lokacija za džamiju, njegov otac r. Muhammed, je uvakufio



Muhammed Ćehić Hamić


pola parcele za novu džamiju. I kada se činilo da drugi posustaju, da se izmiču, on je ustajao i angažirao svu svoju porodicu, ali gradnja nije mogla stati. Džamija se morala izgraditi. Bio je i fizički radnik i blagajnik i nadzorni organ. Davao je radnicima na džamiji besplatni stan u svojoj kući, sa suprugom Fadilom više godina hranio radnike. Džemat i džamija su mu bili na prvom mjestu, pa tek onda njegova porodica. Čini se da niko nije bio sretniji od Muhameda kada je 1997. godine u njegovom džematu svečano otvorena prelijepa džamija «Šehidija». Zanimljivo je da je tog dana džamiju svečano otvorio njegov punac Avdaga Čavkić, darujući iznos od 22.000 KM u džamijski fond.

Veoma ažurno je vodio džematsku blagajnu. Zahvaljujući tome, džematska blagajna je bila konstantno u pozitivu. Isticao se svojom pedantnošću, principijelnošću, urednošću, elegantnošću, iskrenošću i urođenim darom za organizaciju. Jednom rječju bio je pravi Bošnjak. To je bio čovjek koji je onima koji su ga voljeli – znao reći ono što kod njih nije bilo dobro, dok je onima koji ga nisu voljeli – znao reći ono što kod njih ima dobroga. Dobre postupke kod drugih je znao pohvaliti, ali zlo nije mogao prešutjeti. Na zlo je smjelo reagovao i upozoravao. Znao je i podići ton u svom govoru. Ali i tada su ga slušali. I povišeni ton mu je, tako reći, «pristajao». Imao je svoj stav i kao takav stekao karizmu i autoritet u džematu. Ljudi su ga jed-

nostavno cijenili, poštovali, slušali i slijedili. Naravno, imao je i on protivnika, jer svi ljudi koji nešto vrijede susreću se s tim, ali i pored tog osporavanja, sigurno je većina džemata bila uz njega. Prilikom izgradnje džamije ili organiziranja džematskih svečanosti bio je veoma pedantan, skoro perfekcionista: njegov mekteb morao je biti najmodernije opremljen, enterijer džamije morao je biti uređen u duhu originalne bošnjačke tradicije, organizacija džematskih mevluda bila je uvijek skoro savršena. Na koncu, imao je jednu vrlo lijepu islamsku osobinu po kojoj su ga cijenili i po kojoj će ostati pamćen u Islamskoj zajednici, a to je Muhamedovo-Hamićevo poštivanje imama kao imama. Cijelo vrijeme svog rada i djelovanja u džematskom odboru, (radi se o veoma dugom periodu), ali i u svakodnevnim kontaktima sa narodom, uvijek je bio uz svoje imame, nesebično je podržavao, uvažavao i volio imame. Bio je rado viđen u krugovima islamske uleme. Kao član Izvršnog odbora Medžlisa IZ-e Bihać svesrdno se zalagao za uvođenje centralizacije u radu IZ-e kako bi se pravednije i poštenije cijenio i vrednovao rad imama. Dženazu mu je klanjala većina imama Medžlisa Islamske zajednice Bihać, njih čak 20, zatim brojna rodbina, džematlije, radne kolege i prijatelji. Imami su tog dana od sebe proučili hatmu rahmetli Hamiću. Džennazu je klanjao džematski imam Mensur ef Čehić a pred rametlijinom kućom nadahnuto izlaganje održao je profesor Cazinske medrese Suad ef Mahmutović, inače bivši džematski imam.

Osim njega, na mezarju je i bihački muftija Hasan ef Makić održao veoma inspirativno izlaganje, istakavši Muhamedovu moralnu i ljudsku veličinu, veličinu kakvih, nažalost, imamo sve manje. «Svaka smrt je žalost i teško pada. A posebno je teška smrt kada dođe iznenada, kad umre mlađi čovjek, pri snazi, kad umre čovjek koji je bio veliki hizmećar džemata, džamije i Islamske zajednice posebno. Riječ je o našem Muhamedu Čehiću – Hamiću, koji je nama svima dobro poznat kao višedecenijski hizmećar džemata, kojem je malo ravnih na širem području. Zaista, ga svi poznajemo kao takvog i upravo ova dženaza u ovolikom broju potvrđuje poštovanje prema njemu i priznanje na ovom svijetu za ono što je uradio služeći džamiji i džematu. U tom pogledu on može biti uzor i primjer drugima» - istakao je muftija Makić. Neka Allah podari džennet našem rahmetliji.

Novi CD ilahija i kasida Bišćanina Mirsada Šehića



Prije petnaestak godina ilahije su pobudile njegovu pažnju, privukle ga džamiji i vezale ga za vjeru kojoj se istinski predao. Unazad tri godine inicirao je te osnovao hor ilahija i kasida sa imenom «Ašik». Sa članovima spomenutog hora radio je na pripremi njihovog prvog albuma. Želeći da iskoristi postojeći materijal, nadopunjujući ga novim i oslanjajući se na talenat, Mirsad Šehić, Bišćanin, rođen 1977. godine u Orašcu, odlučio se na izdavanje vlastitog prvog CD-a ilahija i kasida sa naslovom «Vjero mira» za koga je sam uradio sve tekstove i muziku. Radom i upornošću projekat je priveo kraju polovinom prošle godine da bi u izdanju Islamskog pedagoškog fakulteta u Bihaću isti bio odštampan i promovisan uoči posljednjeg Kurban-bajrama u decembru prošle godine.

Mirsad je zaposlen kao konstruktor transportnih sistema IHS-a u Krškou, Republika Slovenija. Ali ljubav prema ilahijama i kasidama trajno ga je vezala za vjeru i njegovu domovinu Bosnu kojoj se stalno vraća, koristeći svaki slobodan dan u aranžiranju muzike svog srca.

Kod odluke da ostane ustrajan u brojnim poslovima koji su vodili u pravcu objavljivanja prvog CD-a rukovodio se dvjema željama: da raznolikost i lepršavost ilahija, uz Allahovu pomoć, bude podstrek mladima da se drže pravog puta i da se sav prihod od prodaje CD-a usmjeri u fond za izgradnju bihačke centralne gradske džamije. Aferim Mirsade! M. M.

U KORAK SA VREMENOM. INTERNET.



www.mizbihac.com

U cilju što boljeg informiranja naših građana, džematlija i simpatizera Medžlis Islamske zajednice Bihać pokrenuo je projekat web-prezentacije. Uz Bilten *Kamer* web-prezentacija predstavlja bitan korak u pravcu što boljeg dijaloga unutar Medžlisa. Cilj je poboljšati protok i dotok informacija kao i najrazličitijih sadržaja te kulturu komunikacije podići na viši nivo.

U cilju što boljeg rada naše web-stranice očekujemo Vaše sugestije i prijedloge.

Pišite nam putem e-maila info@mizbihac.com